



Flores Meditationvm

Bebius, Philippus

Coloniae Agripp., 1623

Medit. 22. De examine Pilati.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

5. Christum vt seductorem accusant ij, quos
pœniter audisse eius inspirationes, & cœpisse
illius seruituti se dare: desiderantes videlicet
redire ad ollas Ægyptii.



MEDITATIO XXII. EXAMEN PILATI.

PVNCTA MEDITATIONIS.

- Mat. 27.* I. Pilato Prætorium ingresso ac rogan-
Mar. 53. ti: An esset Rex Iudæorum? respōdit.
Luc. 23. I. Regnum suum non esse de hoc
Ioan. 18. mundo. Vt iterius instanti, addit: se
Regem esse, & in mundum venis-
se, vt testimonium perhibeat veritati.
II. Pilato Iudæis dicente se causam in eo
non inuenire, accusabant eum Prin-
cipes, Christo penitus tacente.
III. Tandem inualescentes dicunt: Cō-
mouit populum docens per vni-
uersam Iudæam, incipiens à Ga-
lilæa.

PROPHETIÆ.

Psal. 2. **E**GO autem constitutus sum Rex ab eo, su-
per Sion montem sanctum eius prædicans
præceptum eius.

Testem

Testem populis dedi eum, ducem ac praeceptorem gentibus. Isaia. 55

*Posui ori meo custodiam, cum consisteret Psal. 38.
peccator aduersum me.*

DOCUMENTA.

1. **S**i regnum Christi non est in mundo, non defigendus est in rebus terrenis animus, neque hic, sed cum Christo in coelo quaerenda solatia.
2. Ij se veritatis patronos profitentur, neque tamen vt Pilatus, eam audire volunt, qui cum probitatem Christianam aut religionem professi sint, oblata exercendae virtutis occasione, nihil agunt: aut veritatem si quando illis dicatur, reiiciunt, nec illi volunt auscultare.
3. Aduersarijs & calumniatoribus nostris, si quando ignorantia peccent, respondendum est, vt ijs satis fiat: at si malitia peccent, tacendum & ferendum sicut Christus Pilato sapius respondit, ad calumnias & conuitia Iudaeorum semper tacuit.
4. Pilatus, cum Christum ad omnia crimina tacitum videret, miratus est vehementer patientiam eius & virtutem. Sic & nos cum iniurijs aut contumelia afficimur, plus tacendo apud aliorum animos, quam respondendo & defendendo proficimus.
5. Si quando in ipsis laboribus pro salute animarum susceptis, facta nostra in calumniam vocentur, solemur nos: quando & Christus Dominus noster post tot arumnas pro salute populi sui toleratas, seductor & concitator populi habitus est.

MEDI-